



Bou ons kinders vir môre

Sondagskool 2

Lestitel: Jesus begin met openbare onderrig - Die eerste dissipels

'n Ouerhandleiding

Sondagskooltuisonderrig



Welkom by die les: “Jesus begin met openbare onderrig - Die eerste dissipels”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Jesus begin met openbare onderrig - Die eerste dissipels
Bybelwoord	Johannes 1: 35-51
Lesdoelwit	Die kinders leer dat die Here Jesus groot krag het en dat Jesus, as die Seun van God, ons ook ken.

Lesopsomming:

- Johannes die Doper het die mense in kennis gestel van die Verlosser wat kom.
- Die dag nadat Johannes die Doper vir Jesus gedoop het, het hy by twee van sy dissipels gestaan.
- Toe hy vir Jesus sien wat daar verbyloop, het hy gesê: "Kyk, die Lam van God."
- Toe Johannes se twee dissipels dit hoor, het hulle Jesus gevolg en sy dissipels geword.
- Een van hulle, Andréas, het ook sy broer Simon na Jesus gebring.
- Jesus het na hom gekyk en gesê: "Jy is Simon, die seun van Jona; jy sal genoem word Céfas, wat vertaal word Petrus." Dit beteken "rots". Jesus het vir Simon geken.
- Die volgende dag het Jesus vir Filippus gevind en vir hom gesê: "Volg My!" Filippus was van Betsàida, dieselfde stad waar Andréas en Simon Petrus gewoon het.
- Filippus het vir Natanael gevind en vir hom gesê: "Ons het Hom gevind van wie Moses in die wet en ook die profete geskrywe het: Jesus, van die seun van Josef van Nasaret".
- "Kan daar uit Nasaret iets goeds wees?" het Natanael gevra. Filippus het geantwoord: "Kom kyk".
- Toe Jesus Natanael na Hom sien kom, het Hy gesê: "Hier is waarlik 'n Israeliet, in wie daar geen bedrog is nie."
- Natanael was baie beïndruk dat Jesus hom geken het en in sy hart kon sien.
- Hy het Jesus Christus as die Seun van God herken en Hom gevolg.



Wat beteken hierdie les vandag vir ons?

- Net soos Natànael, het sommige mense bewyse nodig voordat hulle glo. As ons ons vriende van ons geloof vertel, kan ons hulle na die kerk nooi om te kom kyk.
 - Dit was vir Natànael 'n wonder dat Jesus hom geken het en in sy hart kon sien. Deur hierdie wonderwerke sien ons die krag van Jesus. Ons ervaar ook wonderwerke wat ons geloof versterk.
 - Jesus is die Seun van God en Hy ken vir ons. Deur sy innerlike krag het Jesus die eerste dissipels na Hom toe getrek. Jesus trek vandag nog mense na Hom toe.
- Glo dat Jesus die Seun van God is en dat Hy jou by die naam ken. Hy ken ons harte.**

Sommige vrae wat ons kan vra:

1. Wie het die volk in kennis gestel van die koms van die Verlosser?

Antwoord: Johannes die Doper

2. Watter naam het Jesus aan die broer van Andréas, Simon, gegee?

Antwoord: Cephas - dit is dieselfde as Petrus wat 'rots' beteken.

3. Wat het vir Natànael laat glo dat Jesus die Seun van God was?

Antwoord: Jesus het hom geken en in sy hart gesien

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders, Mag ons u teenwoordigheid aanvoel

Seën die les wat ons gaan hê, Leer ons hoe om U te dien

En help ons om u wil te doen, Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.